



KOUSTAALLAPPER IN KNUP!

Bliedspultje in 3 bedieven

doar

JAN ZIJL

TONEELUITGEVERIJ VINK B.V.
(Grimas Theatergrime verkoop)
Tel: 072 - 5 11 24 07
E-mail: info@toneeluitgeverijvink.nl
Website: www.toneeluitgeverijvink.nl

VOORWOARDEN

Alle amateurverenigingen die het stuk: **KOUSTAALLAPPER IN KNUP!** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **JAN ZIJL** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

Copyright: © Anco Entertainment bv - Toneeluitgeverij Vink bv

Internet: www.toneeluitgeverijvink.nl

E-mail: info@toneeluitgeverijvink.nl

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: www.ibva.nl

Email: info@ibva.nl

ING bank: 81356 – IBAN: NL08INGB0000081356 BIC: INGBNL2A

Geen enkele andere instantie dan het IBVA heeft de bevoegdheid genoemde rechten van u te claimen, of te innen.

Auteursrechten betekenen het honorarium (loon!) voor de auteur van wiens werk doar u gebruik wordt gemoakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

Vergunning tot opvoering:

1. Aankoop van minimaal **8** tekstboekjes bij de uitgever.
2. U vult het aanvraagformulier in op www.ibva.nl of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

Vergunning tot HER-opvoering(en):

1. U vult het aanvraagformulier in op www.ibva.nl of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.

Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.

**Rechten BELGIË: Toneelfonds JANSSENS, afd. Auteursrechten,
Te Boelaerlei 107 - 2140 Bght ANTWERPEN Telefoon (03)3.66.44.00.
Geen enkele andere instantie heeft de bevoegdheid genoemde rechten van u te claimen, of te innen.**

PERSONEN:

BEREND JANSEN - timmerman, lutje 60 jaar.

MERIE - zien vraauw, lutje 60 joar.

LENIE JANSEN - dochter 23 joar.

DIRK JANSEN - zeun, 21 joar.

WILLY RENDERS - kammeroadske van Lenie, 21 joar.

MAARTEN DEKKERS - knecht, 26 joar.

SIEBRAND - knecht, 64 joar.

KNEUS BLINKER - boer, 60 joar.

PERSOONSBESCHRIJVINGEN:

BEREND JANSEN - 't Is hom mitlopen in wereld, is van kaustaallapper timmerman-aannemer worden. Doardeur is e wat aigenwies worden. Is nait te loos; maint dat e 't goud dut.

MERIE JANSEN - n Degelke vraauw dij mit baaide bainen op grond staat; is goud bie. Kin goud laaiden geven.

LENIE JANSEN - Nuver wicht, wait wat ze wil. Aaltied netjes aantrokken.

DIRK JANSEN - ut Flinke jongkerel.

WILLY BENDERS - n Wicht as Lenie; n beetje bleu.


MAARTEN DEKKERS - n Oardige jong. Mout r n beetje beter oetzaain as n alledoagsetimmermansknecht; n beetje heer, mor toch ainsvoudig.

SIEBRAND - Duvelstoujonger, aaltied goud gemutst. Is deur de joar dat e bie de familie touholt, kind van hoes.

KNELIS BLINKER - le zaain zo dat e maaint, dat veur geld ales te koop is. Gaait prat op zien geld.

TONEEL:

Aal drij bedrieven speulen in de in de woonkoamer bie Berend Jansen. kinnen aan meubels zaain dat 't heur goud gaat. 't Is netjes mor nait overdreven. Telefoon op 't bero.



- 1 - Toavel
- 2 - Stoulen
- 3 - Divan
- 4 - Bero
- 5 - Schösstaain
- 6 - Taikenborden
- 7 - Deur noar boeten
- 8 - Deur noat keuken
- 9 - Deur noar timmerschuur
- 10 - Roamen

EERSTE BEDRIEF

EERSTE TONEEL

(vrijdagavend. As 't gediën opengaait zit Merie allaain in koamer; ze zit te naaien. Noa n zetje gaat deur open en Berend Jansen en Knelis Blinker komen midden op)

BEREND: *(nog haalf in deur)* Wel joa man, wel joa! Woarom zol ik dat stuit kinnen! Kom dr in. Goat zitten.

BLINKER: Goinoavend vraauw Jansen.

MERIE: Oavond Blinker.

BEREND: Ik mout n rintnaaiersspul veur Blinker zetten Merie.

BLINKER: Ho ho, zo wied is 't nog nait. Wie mouten tot n akkoord komen. 'k Wil eerst n bestek en taiken hebben vanzuls. En din de pries hèt. Ofschoon, ik kin 't betoalen!

BEREND: Joa wist! Mor goa toch zitten, Blinker *(Berend en Blinker goan zitten)*

BLINKER: Kiek, ik wil n spul hebben van twee verdaipens. ONder wonderij en boven sloaperij.

BEREND: Joa, ik begriep 't aal; twee koamers onder en twee sloapkoamertjes op zolder.

BLINKER: *(barstig)* Vaaier koamers onder mit n keuken en n geroazie en n stuk or vaaier sloapkoamers boven.

BEREND: Doezend spiekers en nog n stuk of wat! Dat wordt n kestaait van n hoest!

BLINKER: Och joa, ik kin 't ja betoalen!

BEREND: Nou, ik zel wel es n taikentje moaken.

BLINKER: Ie?

BEREND: Joa, wel aans?

BLINKER: Ik maainde dat Maarten Dekkers dat aaltieddee.

BEREND: *(dut groot)* Joa, dij mag mie of tou wel es n beetje helpen.

BLINKER: Nou, as 't mor goud wordt! Ik wol eerst n assitekt in aarm nemen, mor vraauw zee: goa eerst mor es noar Berend Jansen, dij het ons schuurdeur ook nuver oetstukt.

MERIE: Dat komt best in odder, Blinker heur! Zo, ie goan dus rintnaaiern?

BLINKER: Och joa, zeun gaat aankom veurjoar traauwen. Jongelu komen op ploats en din mouten vraauw en ik ja wel n aander woonstee hebbon, Ik zeg, zulf baauwen is 't beste. Kin 'k hom netzo kriegen as 'k hom hebben wil. Ik kin 't ja betoalen!

BEREND: Din bin ie ja mor meer mit joe baaident!

BLINKER: Joa heur! Bin we weer netzo wied as dat we begund binnen. *(laagt haard om zukzulf)*

BEREND: Din begriep ik mie nait wat ie mit vaaier koamers en vaaier sloapkoamers doun willen.

MERIE: Dat mout Blinker toch zulf waiten houveul koamers dat e hebben wil, Berend!

BLINKER: Dat docht ik ook! Mouten toch ook rekenhollen mit lozees. En boetendes, ik kin 't ja betoalen!

BEREND: Is dr hoast bie?

BLINKER: Hoast? Och, ze goan aankom veurjoar in maai traauwen. Mor ja, 't staat r ook nog nait.

BEREND: Din mörgen votdoadelk aan 't taiken.

MERIE: 't Is mörgen ja zotterdag.

BEREND: En wat zol dat?

MERIE: Din is Maarten toh vrij.

BEREND: Din wordt r nait timmerd, mor dr mag wel taikend worden.

BLINKER: Groot geliek!

BEREND: Wie mozzen vrouger haile zotterdag.

BLINKER: Wie boeren hebben haidal gain vrije dag; mouten allerdeegs nog op zundag.

BEREND: Nou, nou, op zundag!

BLINKER: Melken en vonern gaait r toch om deur!

MERIE: Joa, 't vei mout zien gerak hebben.

BLINKER: *(gaait stoan)* Nou, kin 'k dr haalfweg aander week aal wat van zaain?

BEREND: Zeker, Blinker. Ik zel dr mit votmoaken.

BLINKER: Le komen dr din mor mit. Vraauw wil taiken ook wel bekieken.

BEREND: Ik kom wel.

MERIE: *(veurzichtig)* Mout Maarten ook mit komen?

BEREND: *(niedig)* Bin ik nait maans genug?

BLINKER: Liekt mie goud tou. Dij jong het r wel kiek op. Loat hom mor milkomen. 'k Mag groag n zetje mit hom kwedelen, *(bie deur)* Oavend vraauw Jansen.

MERIE: Oavend Blinker. *(Blinker en Berend midden of)*

TWEIDE TONEEL

(Merie even allaain: din komen Lenie en Willy op oet timmerschuur)

LENIE: Wazzen ie mit joezulf aan 't woord, Moeke?

MERIE: Hou dat zo?

LENIE: Nou, ik maainde dat 'k proaten heurde.

MERIE: Dien pa gaait r net oet mit Blinker. Dij zelstoe heurd hebben. Blinker wil n rintnaaiersspul zetten loaten.

WILLY: O joa, Menno gaait traauwen het 'k heurd.

LENIE: Mit dat wicht oet Wiekwerd? (*wichter goan zitten*)

WILLY: Joa, doar e verleden winter op toneeloetvoeren biekommen is.

LENIE: Waist nog wel woar wie zo om laagd hebben? Wat zee Menno ook nog mor aal tegen heur?

WILLY: (*dreug*) Magst nog wel n vleske, limenoade hebben, Grietje. Ik kin 't ja betoalen!

MERIE: (*laagt haardop*) Net zien voader!

LENIE: Daar het e 't van.

MERIE: (*dreug*) Ik wil vaaier koamers hebben en vaaier sloapkoamers. Ik kin 't ja betoalen! (*aalmoal lagen*)

LENIE: Zeg moeke, roar is wat Willy en ik mögen doun?

MERIE: Zeg 't mor, ik roar 't toch nait.

LENIE:: Wie goan aan 't vissen.

MERIE: (*verwonderd*) Dat zel wel!

WILLY: Staarmwoar! Op 't Schild!

LENIE: Wie huren n boot op Staindam!

WILLY: Twei boten mainstoe!

MERIE: (*fientjes*) Dus ie goan elk in n boot?

LENIE: Nou, jonges goan ook mit.

MERIE: (*onneuzel*) Jonges?

LENIE: Joa, Dirk en Manden.

MERIE: O, dus ie goan mit joen baaident in n boot en Dirk en Maarten in aander?

WILLY: Deden ie dat vrouger ook?

MERIE: Wat dochst?

WILLY: Dat ie dat nait deden!

MERIE: (*laagt*) Goud roaden! (*eernsachtig*) Mor zol pa doar wel akkoord mit goan? (*Willy gaait staan; veur `t roam*)

LENIE: Wat stekt doar nou in?

MERIE: Doe kinst dien pa. Dij holt nait van zukswat. En komt ook nog wat aans bie: Maarten mout aan 't taiken veut Blinker.

LENIE: 't Is mörgen toch zotterdag!

MERIE: (*gutig*) Heden! Dat wis ik ja hail nait!

LENIE: Ie mouten ons n beetje helpen bie pa, heur!

MERIE: Mouten? Mout ik joe doar tou helpen? Willy, tou, doe zegst ja niks wicht!

WILLY: (*zaacht*) Och, wat mout 'k zeggen.

MERIE: (*gutig*) Wolstoe zo groag mit Maarten in n boot?

WILLY: (*draait zuk om*) Mit Maarten? Welnee!

MERIE: Dus toch mit Lenie!

LENIE: Ie binnen aan 't ploagen, Moeke!

MERIE: (*goudig*) Nee heur, 'k wait wel beter. 'k Heb aal laank schoten wat r goande is. Willy komt hier nait allaa'in zo voak omdat ze kammeroadske is mit die, Lenie. En nait veur niks scheert Dirk zuk tweimoal doags! (*tegen Lenie*) En doe en Maarten in n boot, hè?

LENIE: Hou wait ie dat aalmoal?

MERIE: (*woarm*) Omdat 'k moeke bit en 'k bin ook jonk west.

DAARDE TONEEL

(*veurigen: Dirk op oet timmerschuur*)

DIRK: Dag Willy.

WILLY: Dirk.

MERIE: Woar is Maarten?

DIRK: In timmerschuur, Is mit hangelstokken aan gang.

MERIE: Boup hom es. Wie mouten es even mit nkander vergoadern.

DIRK: Is dr wat?

MERIE: Nog nait. Mor dr kin wat komen,

DIRK: (*kikt von aain op aander*) Nou, vooruit din mor mit de geit. (*of noar timmerschuur*)

LENIE: Wat wil ie moeke?

MERIE: Hest ja heurt: even mit nkander proaten. (*tegen Willy*) Ton kind, goa dr toch bie zitten (*Willy gaat weer zitten*)

VAAIERDETONEEL

(*Veurigen: Dirk en Maarten op oet timmerschuur*)

DIRK: Zo, doar is e.

MAARTEN: Dag Willy.

WILLY: Dag Maarten.

MERIE: Aalmoal zitten goan. (*jonges goan ook zitten; evers stilte; zo kieken noar MERIE*) Ik heb aal n tiedje begrepen dat r wat goande is: Maarten mit ons Lenie en Dirk mit Willy.

MAARTEN: (*laagt*) Ie hebben Joen ogen ook nait in buuts!

MERIE: Nee jong, heb 'k ook nait. Mor waarom mos dat nou zo stickem? (*even stilte*) Nou?

LENIE: Is joe 't goud, moeke?

MERIE: Kind, as ie nkander lieden maggen, heb ik dr niks op tegen. En ook nait dat Dirk snit Willy gaat.

LENIE: Wie hebben 't stihollen veur pa.

MERIE: Was 'k aal baang veur, (*zucht*) Joa en dat zel dr ook nog nait zo makkelk zitten. Pa het aander plannen mit zien zeun en dochter. Dij mouten goud aantraauwen volgens hom.

WILLY: (*gaait weer sloan*) Ik kin 't naait helpen dat 'k mor n dochter von n schoumoaker bin.

MERIE: (*gaat bie heur stoan; legt heur aarm om scholder*) Doar bistoe ook niks minder om, mien wicht. Of hestoe ook gain geld, wat gef t dat? Don Berend en ik traauwden haren wie ook gain eint. En wat was e? 'n Koustaallapper, meer niks, 't Is ons leste joaren mitlopen. Is n bult verdaaind in 't baauwvak. En 't is spiedelk, mor doardeur het pa 't n beetje hoog in kop kregen.

DIRK: Zoak is juist leste joar of wat goud worden.

LENIE: Dat zeg ik toch!

DIRK: As Maarten dr nait west haar. Dij kin reken en, goie taikens moaken. Doarom heb wie zoveul dikke kerwaaien had.

MAARTEN: Doe taikeust ook aal nuver, Dirk.

DIRK: Heb 'k van die leerd!

MAARTEN: En op taikenschoul.

LENIE: Mor wat don wie nou, moeke?

MERIE: Joa, wat don wie nou. Hai mout 't toch n moal waiten.

LENIE: Hai kin niks op Maarten tegen hebben.

MERIE: Maarten is mor knecht! En dat is hom vast tegen borst, dat wait zeken. Mor ik zeg nog es mout 't toch (*even stilte*)

MERIE: Ik zel mörgenoavend din mor es mit boas proaten as wie as wie weeromkomen van 't vissen.

MERIE: Dat vissen, jà! Doar zel wel niks vim komen.

DIRK: Woarom nait?

MERIE: Maarten mout aan 't taiken, n rintnaaierspul veur blinker.

MAARTEN: Mout dat din op stoande vout?

MERIE: Haalfweg aander week wil e taiken zaain.

MAARTEN: Zozo!

DIRK: Kinst hom aander week nait kloar kriegen?

MAARTEN: Din wordt 't allaain oavendwoark. Overdag mout r ja timmerd worden. (*tegen Lenie*) Vissen gaat over, Lenie.

LENIE: 'k Haar mie dr aans zoveul van veursteld. (*tegen Willy*) Din goan ie mor mit joe baaident, Willy.

WILLY: 'k Vin dr niks aan as ie dr nait bie binnen.

DIRK: (*ploegend*) Mooi veur mie om dat te heuren! Nou, 'k vin dr mit die allain ook niks aant!

WILLY: Welstoe groag?

DIRK: (*laagt*) Nee!

WILLY: (*laagt*) Nee!

DIRK: Nou, din govve mor nait te loat vot!

WILLY: Negen uur is vroug genog. (*gaait noar deur timmerschuur*)

Nou, 't is wel sneu veur Maarten en Lenie, mor...

DIRK: Wie zellen wel n poar viskes veur joe in 't Schild zitten loaten!

MAARTEN: 'k Hoop mor dat ie n mooie dag hebben zellen! (*Willy en Dirk of noar timmerschuur*)

MERIE: (tegen Lenie en Maarten) 't Spiet mie wel veur joe, kinder.

MAARTEN: Wie goan wel es op n aander zotterdag, hè Lenie? (*Lenie knikt*) Het Blinker ook zo'n beetje oetdud wat veur hoes dat e hebben wil?

MERIE: Joa, Vaaier koamers onder, vaaier sloapkoamers boven, Verder n geroazie en din komen netuurlijk de gewone dingen dr bie.

MAARTEN: Vanzulf: hal, keuken, baargroemten en zo. n Mooi kerwaa! Doar kin wal van moakt worden!

VIEFDE TONEEL

(*Veurigen: Berend midden op*)

BEREND: (*vrijt zuk in handen*) Dat is wat, Maarten hè? Het vraauw die 't aal verteld?

MAARTEN: Joa, boas. Dat wordt n goud kerwaa!

BEREND: Mörgen votdoadelk aan 't taiken. (*groot*) Ik zel die wel helpen.

MAARTEN: Joa, dat 's best.

LENIE: Kin 't aander week nait, pa? Wie zollen mörgen mit nkander vot, wie wollen aan 't vissen.

BEREND: (*stom verwonderd*) Aan 't vissen? Wichter aan 't vissen? Hest aain onder 't mous.

LENIE: (*vinnig*) Nait dat 'k wait, mor 'k zel es kieken.

BEREND: (*dom*) Woarnoar?

LENIE: (*niedig*) Of 'k aain onder 't mous heb! (*gaait noar deur timmerschuur*)

MAARTEN: (*sust*) Nait kwoad worden, Lenie. Wie goan wel es op n aander keer.

BEREND: Dat 's goud. mor nait aan 't vissen! Vraawlu vissen! *(tegen Lenie)* Vis doe mor noar n kerel!

LENIE: *(bie deur; niedrig)* Don 'k aal laank! En 'k heb ook aal beet! *(gaauw of noar timmerschuur; Merie en Maarten lagen)*

BEREND: Heksebiel! *(tegen Maarten)* Mout 'k die 't vanoavend aalmoal oetduden hou of 't mout? Of zevve wachten tot mörgen?

MAARTEN: *(gaait sloan)* Och, dat kin mörgenvrouw wel. *(noar deur timmerschuur)* Kom, 'k wil es even zaain woar of Dirk is.

MERIE: *(gutig)* Joa jong, kiek doe mor even noar Dirk. *(Merie en Maarten knipogen nkander tou; dat ontgaait Berend; Maarten links of)*

BEREND: *(vriift zuk in handen)* Jongejong, dat haren ze vrouger ook nait docht van Berend Jansen: zo'n dik rintnaaiersspul zetten!

MERIE: *(dreug)* Joa, dij Maarten het zoak wel veuroet brocht.

BEREND: Dat wil 'k die vertellen! Hè!?! Maarten? Ik toch zeker! Ik bin de boas van 't spul!

MERIE: *(goudig)* Zeker, mien ol koestaallapperke! Doe bist de boas heur!

BEREND: As ik dr nait west haar, woar haar Maarten din west?

MERIE: *(dreug)* Bie n aander boas, denk ik.

BEREND: *(groot)* Juust! Bie aain of aander schietboaske! Moar nait bie zo'n zoak as mienent!

MERIE: Doarem mag e op zien vrije zotterdag ook taiken.

BEREND: Juust! Nou ja, *(groot)* 'k zel hom dr n deuske sigaretten veur geven. O ja, woar is mien piep?

MERIE: Ik heb hom nait.

BEREND: *(kikt overaal in koamer)* Zol 'k hom in timmerschuur liggen loaten hebben?

MERIE: Kinst mit kieken gewoar worden, Berend. *(Berend links of noar timmerschuur; Merie even allaain)*

ZESDE TONEEL

(Merie, Berend driftig op oet timmerschuur)

BEREND: *(kwoad)* Nou mest es roaden wat of ik zaain heb!

MERIE: *(rustig)* Dien piep.

BEREND: *(kwoad)* Piep! Piep! Wat piep!?

MERIE: *(rustig)* Doar gingstoe toch om noar timmerschuur?

BEREND: *(kwoad)* Och, hang die op mit mien piep!

MERIE: *(rustig)* Kin nait!

BEREND: (*kwoad*) Juust! Dat kin nait! Dat mout aflopen wezen!
Knieptaang en kromme spiekers: doar zel Berend Jansen n stokje
veur steken!

MERIE: (*rustig*) Kaalm Berend! Kaalm! Vertel mie nou es, wat r is.

BEREND: (*kwoad*) Ik goa in timmerschuur om mien piep en wat zai
ik?

MERIE: Dien piep!

BEREND: (*bölkt*) Nee!! Dien zeun!

MERIE: Dirk?

BEREND: Joa!

MERIE: Dat's dien zeun ook! En haar dij dien piep?

BEREND: (*bölkt*) Neen!! Willy!

MERIE: (*onneuzel*) Haar Willy dien piep? Wat mos dat wicht mit dien
piep doun?

BEREND: (*bölkt*) Och mins, wat bistoe ja stom! Dirk haar Willy te
pakken!

Als u het hele stuk wilt lezen dan kunt u via www.toneeluitgeverijvink.nl de tekst bestellen en toevoegen aan uw zichtzending.

Voor advies of vragen helpen wij u graag.

 info@toneeluitgeverijvink.nl

 072 5112407



“Samenspelen” is ons motto